

感恩縣志

海口海南書局印行

4037055

42

31-1-4



感恩縣志目錄

卷首

圖表

輿地志

卷之一二

沿革

疆域

氣候

潮汐

風俗

山川

港

附灣

塘

溝

井

壩

輿地志

卷之三

物產

建置志

卷之五

城池

公署

學宮

書院

社學義學

學田

學校

學費

壇廟

公產

倉儲

都圖

塘舖

津渡

感恩縣志

目錄

一

海口海南書局承印

橋梁

墟布

村墟

坊表

古蹟

塋墓

經政志

卷之六七

銓選

祿餉

留支經費

節省均平各款

戶口

土田

籍田附

屯田

科則

賦役

鹽法

魚課

權稅

土貢

經政志

卷之八九十

祀典

釋奠考

學制

學規

經政志

卷之十一

兵制

警團

驛郵

海防志

卷之十二

海防

環海水道

海寇

附土寇

海防條議

黎防志 卷之十三

黎情 村崗 關隘 撫黎 平黎 黎防條議 附雜議

職官志 卷之十四

明 清 民國文武職官

選舉志 卷之十五

明 清 諸科 舉人 貢選 封贈

宦績志 卷之十六

名宦 武功

人物志 卷之十七

明 清 孝友 儒林 文苑 篤行 卓行 耆舊
仙釋 耆壽 列女

感恩縣志 目錄 二 海口海南書局承印

藝文志 卷之十八九

勅 誥 記 序 雜文 詩

雜志 卷之二十

災異 紀異 金石 廩增附武生 捐款姓氏

修志姓氏

康熙十一年

創修

感恩縣知縣

崔國祥

康熙四十四年

續修

感恩縣知縣

姜焯

合參

感恩縣儒學教諭

李茂

感恩縣儒學訓導

陳士弘

參訂

感恩縣志

修志姓氏

三

海口海南書局承印

感恩縣典史

劉俊邦

校閱

廩生

王春士

石清

麥穗

胡佑文

王春元

張廷瓚

曾相鼎

盧炳光

楊撥崑

王際亨

附生

民國十八年

重修

感恩縣縣長

周文海

贊修

推事

羅煜東

檢察官

岑作霖

纂修

拔貢生

盧宗棠

附貢生

唐之瑩

協修

胡廷根

麥濟熙

蘇朕保

周維新

感恩縣志

修志姓氏

四

海口海南書局承印

繪圖

楊繩美

符獻雲

馮開姜

麥建猷

襄校

感恩民選縣長拔貢生

王道熙

侯選儒學教諭拔貢生

張其經

附生

陳達傑

增生

張上垣

增生

高茂雅

廩生

毛濟美

附生

胡錫金

總校

樂瓊
昌山
儒優
學貢

王國憲

司理

胡廷楓

副理

陳德元

督理

附

生

胡國琮

佐理

黃雲燦

採訪

符獻甫

林樹岬

楊漢英

符繼偉

歐瓊琛

陳大琛

林玉輔

採訪勸捐

林維柄

符登選

符開鎬

符名尊

柳世英

符執璿

勸捐

感恩縣志

修志姓氏

五

海口海南書局承印

王德潤

廩生

王承業

附生

張對垣

吉炳璋

附生 黎宗獻

楊繩姜

陳德生

張懷一

王瑞成

陳河琛

何起鵬

張祥庚

石良田

石賢卓

李中天

符節文

蘇崇

蘇從

陳邦強

蘇心純

許忠保

楊榮

高日升

符吳瑄

吳東聖

高茂毅

郭如峯

鄭國珠

蘇夢椽

符瑞麟

麥天周

創修感恩縣志序

康熙十年

知縣 崔國祥 二韓人

誌者何述其事而誌之也序者何本其志而序之也非序無以明其志非志無以紀其事則是志之一書確乎其不可拔也而况關乎一方之民生一邑之鉅細故國有史方有志所從來久矣勿謂邑小勿謂地偏遂可缺而不輯也何輯乎爾輯其建置輯其沿革輯其山川舉大綱詳細目一經一緯一事一物無不周悉無不備具也祥三韓下土檇櫟庸材渥國家厚恩謬膺民社每懼溺職之愆期副治安之效初任南靜後起九龍兩任彈丸實無一長可紀壬子奉有採風之令搜羅疆域以備一代文獻誠勝舉也而九龍以遐荒小邑兵燹之餘人文代謝屋舍丘墟卽山川城郭屢經遷變書之紙而勒之本猶有存焉者幾希於是搜其散失謀諸耆老僅得前令謄本六葉更請諸士輯其古續其今分其類括其全彙帙成書繕寫成本付之梨棗雖不敢言成一志亦足以備一代之稽考而已

續修感恩縣志序

郡邑之有志也尙矣然作而述者常戛戛乎難之兢兢乎慎之難之有五不可不慎者四何謂五難千百年已往之陳迹僅見於方策恐或遺之是紀載之難千百年傳記之人物多半出於傳聞未盡確也是衡論之難千百年建置之因革湮沒於陵谷滄桑之後者不少是搜羅之難數百里之山川名勝縮而小之於寸板方幅間猶索驥也是按圖之難藝林詞藻或越樽俎於代庖或雜白雪於陽春是甄別之難何謂四慎民俗相同而後異究之未免有刻舟之誚土物古有而今無按之恐非確籍之徵津要顯譽而聲聞過情者苞苴媒之也十室忠信而身名俱

泯者門第格之也是貴酌古準今類俗辨物揚真抑末微顯闡幽志實有之不可不慎之也萬里珠崖遠於天末九龍岩邑濱於海隅其邑志修在前朝日久殘缺文獻不足徵矣邑侯姜公以青齊之胄屈百里以雄才受命遠來作宰茲土歲在戊寅之冬予初釋褐爲司鐸得依宇下棲遲於嵐鄉瘴海之間時或無聊追隨遊覽問俗觀風訪求舊志渺乎不可復得太息久之邑侯慨然以修輯爲己任謬以前說質之邑侯曰然是不可不知其難而慎之也於是旁求下問摺摭遺文從殘篇斷簡之中彙集典章公之輿論然後申之以己見確乎其不可易矣越數月而志乃成感恩古邑重開生面而天文分野山川形勝城郭衙

署學校井里關津堡寨溪港橋梁靡不備載爰及古今人物懿行嘉言儒林文苑仕籍軍功分類編年舉綱挈領本地鬼神壇壝之祀方言物類之殊災告氛禳之變必具載而詳述之後之觀斯志者不出戶庭而車書一統不涉溟海而山海一家感恩雖小可以喻大宰一邑之與宰天下何以異乎於是繕寫成書壽以梨棗他年獻諸史館載在職方傳之無窮垂爲不朽海濱鯁生請一言於驥尾幸莫大焉榮莫加焉邑侯曰可遂拜首而爲之序

康熙四十四年乙酉歲陽至月廣東甲子科副榜感恩縣儒學

教諭李 茂謹撰

重修感恩縣志序

蕭何從沛公入咸陽遂收先秦圖書知天下之風俗輿情後人稱其明治國之大道余何人斯敢希斯旨但蒙上峯過愛委篆是邦蒞任之初所有關於一縣之政治文化風俗民情亟應博採旁搜以資參考俾知利之所在思所以興害之所在思所以去弊得以救偏得以扶以至先哲之勳名節義足爲景慕者從而景慕之前代之吏治文化堪爲效法者又從而效法之使數百年之文獻瞭如指掌豁然貫通夫而後施之行政有如舟之遇順風雖欲遏抑而不可得此即余探原溯本以求上治之素心殆不容緩也及查該邑經兵燹之餘致使一邑之禮教文言

歷史志乘均殘毀淨盡探索無由人民無懷舊思古之情終日帖伏於強暴威權之下日甚一日而昭代之雅化終淪於萬劫不可復之地步噫亦云痛矣余以職責所在每一念及焦灼徬徨難安寢食常與本署公安局長麥君建猷一區署長楊君繩美再三磋商編纂之舉諭告週知得邑紳王君道熙校長胡君廷根教員麥君濟熙蘇君朕保等首倡贊襄出而力爲鼓吹人民遂漸覺悟幾有一氣呵成之勢今年春正乃召集各團警紳商來署開會討論編纂事宜及其纂費等項余隨即捐廉五十金以爲創勸幸各界好善均形踴躍捐貲集成鉅款越二月初間設局採訪延聘邑紳盧君宗棠唐君之瑩二人爲主任編纂

三閱月始成稿本余披覽之見其志言從簡事實求真紀載既無紕繆之謂滄海又無遺珠之恨舉凡陵谷之變遷戶口之登耗吏治之得失風俗之貞淫以及忠義孝友儒林節婦懿行嘉言軍功仕籍河流溝道名勝輿圖黎務藝文等項亦無一不備吁觀止矣以視韓汝慶之朝邑志康對山之武功志方斯蔑以加矣且此志已經殘毀二百餘年今獲見之而後人之聞風興起者撫今思昔能不有感於斯文也耶余愧無文茲於付梓之日爰序數言藉以爲該邑文化之前途賀並以爲纂修之紀念云

中華民國十八年歲次己巳孟夏月署理感恩縣縣長古儋周

文海撰於縣署

重修感恩縣志序

辛未之春吾邑修志將竣邑中諸子屬予同參考予披閱之不能無遺失之憾夫雍乾嘉道之際未嘗無人特因久而無徵無徵不信無不能爲不敢爲耳至民國十餘年耆儒宿學凋謝無遺老成日少見聞無多又無文章家以爲之文無留心著述者以爲之獻方諸大邑恥不若人矣且際世界潮流海桑改變歐風美雨漸浸亞陸神州不禁爲之語曰人必知其大而後知其小知其小則不安於小而後有以得其大而有以容小夫天道之有元元之中有天天之中有日日之中有地地之中有中

感恩縣志

卷首

序

十一

海口海南書局承印

議之數而比例之邑之一人一物猶野馬與爾升降浮沈何可勝計天下大勢歐州強而其國之教與人物行印度蠢愚而其國之賢與釋典散中國今日六經已覆瓶何況于吾之文諸儒若沈坑何論于吾之獻吾之文獻中國之一毛耳故知有邑當先知有國知有志當先知有經經者中國之日月而聖人者中國之元而天地者也吾國習儒未之或知謂各國宗教皆主神道孔子不語神不得爲教主遂儕孔子于索格底伯拉圖之例蓋師日人不知孔教之謬論耳胡不讀易觀天之神道與聖人以神道設教乎易无思也无爲也寂然不動天下之至神也此舉也修志亦修學宮以妥 聖神故爲及此知乎此感而遂通

則六經昭如日月聖人之元亨而中國之天地位而後吾邑同
戴入聖人天日之中而吾之文獻自並存于僻壤之海濱故曰
有國乃有邑有經乃有志也且知有經昭如日月則眼光大放
其爲邑不至區區畫地以自限能自樹立而由小以致大安知
異日地氣不自南而北北學于中國北方之學者未能或之先
者乎吾故以道爲序志之本以告吾邑之讀于志者
民國二十年季春月增生張上垣謹撰

重修感恩縣志後序

歲在甲子予奉饒道尹委任重修瓊崖志馳書各邑一體贊成
發采訪體例限期五月采訪完以便分纂未幾道尹去任又遭
瓊崖連年內亂屢催各邑采訪視爲具文此事遂廢年過一年
至庚午省垣開通志館飭各屬舉徵訪員並飭各屬一律修志
亦無有遵行者噫瓊崖修志之難如此世所稱爲文明之海外
亦無一辦公益地方之事可歎亦可惜也予時充徵訪員瓊山
采訪次年送完亦思從事郡志編成古跡畧二卷金石畧六卷
藝文二卷未有縣志者尙缺苦無經費局亦虛設今獲胡君廷
楓携感恩縣志稿八册託爲校訂予喜而不寐參閱數日夜其

體例仍遵各邑舊志因感恩舊志修已二百餘年僅存二册蠹食蟬穿斷爛不完乃能細心詳審並據府志各邑志有關於本邑者參考而互證之缺者補編無者續編不以文獻無徵人才尙少而聽其湮沒不彰可謂有志者事竟成也夫以感恩偏小之邑又在荒僻之區乃能籌款重修最爲難得以視儋縣陵水有人文有經濟者不能重修志乘感恩學界諸君獨能同志商榷斟酌得宜注重海防黎防參以時事得失垂爲法戒其亦救時之策籌海之篇不以其荒僻而廢其言也謹撮要語叙之於後

瓊山王堯雲擬稿

重修感恩縣志序

今夫志者記也或因其事或即其物而記錄成書斯謂之志以是凡郡縣之有志亦各因其屬地所至而記其所有之品物與夫經過之事實是已而要其所以記之者何居記其疆域沿革使人知所統轄而遵循也記其關隘道路使人知所防備而交通也記其氣候風土使人知所動作而趨避也記其山川物產使人知所利用而採擇也若夫職官選舉人物之志則將使人知所觀感而懲勸也總而言之凡所志一事一物無非有關於國計民生人心風化猗歟盛哉縣志之所係者大矣故伊古以來以我國言不謂通都大邑卽彈丸黑子知莫不各有其志也

惟我感恩同爲國家之士民而竟附之闕如邑之人士興言及此寧不汗顏無地乎民國十八年春余等同人念桑榆之未晚振臂前呼約集各區紳耆在縣立第一高小學校開修志書及聖廟會蓋聖廟立志書之基礎志書闡聖廟之奧義兩相關係皆全邑最要事相提討論同時并舉參觀各界莫不鼓掌贊成於是聯請縣長周文海出而主任給簿派員四出勸捐推舉盧君宗棠唐君之瑩爲修志主筆胡君廷楓總董其事同志諸君各任其責咸盡義務焉旣而人員已經周布矣欸項亦有端倪矣其志書之着手則茫無頭緒欲藉郡志爲憑依惜僅至道光二十一年而止又得知縣姜焯所修縣志二冊亦斷簡殘篇魚

魯莫辨其書猶在康熙之季嗟乎難矣聖廟雖告竣工而志乘似將束手斯時也置而不校則恐瘴嶺蠻鄉終泯沒於千秋欲勉強而行又恐斷狗續貂永貽譏於百世余等再三思維不得已而勉爲其難竭盡其愚其於道光以上則依郡志所載與姜志參考而依樣葫蘆道光以下數十年間山川疆域固依然也惟官職人物政治事蹟等則考諸遺籍採諸修聞得者掇之忘者闕之至於近來之事物雖文獻之無徵幸老成之不盡吾等亦有見而知者極意訪求當可得其八九同人咸以爲然乃各極爾心力各陳所見聞此校彼參汝考我證歷三夏幾經公同校正幾經開會宣讀始粗脫稿以付版焉夫人欲著一書傳於

後世雖名賢碩彥同歎其難況以孤陋寡聞任此艱鉅之事其簡畧亦已多矣惟望後之英俊共諒愚衷起而增補修飾之庶將以此爲嘯矢耳

民國辛未三月邑人麥濟熙述

重修感恩縣志序

中華民國二十年六月余奉省府命令委權感恩縣篆將赴任預查邑內疆界井里風土人情爲將來設施之計適邑紳胡君廷楓携周前縣長文海督同邑中人士所修感恩縣志來海口付手民知余將宰其邑以稿謁余請爲再加參訂余細閱一過稱善者再不揣謏陋無文復爲之弁一言竊思前志之修在前

清康熙年間距今二百餘年以地理論滄海幾變爲桑田以人事論世胄或淪爲奴隸其故家遺族不無嘉言懿行祇以文獻不足遂至湮沒無聞其豪紳酷吏或有作奸犯科亦以瘴惡無人遂得幸免清議此邑乘不修邑人所久引爲闕憾也近年迭奉省府令催各縣一律呈繳志乘無者設局採訪刻日成書俾省志修纂有所根據無如兵燹之後掌故多失則依据無從年代既湮父老無傳則訪求不易近如儋縣爲東坡舊遊之地尙未能編輯成書不謂邑中人士懲前輩之委靡不敢畏難苟安卒能於兩代鼎革之後文獻墜地之時衆志成城分功合作或拾諸殘篇斷簡或採自故老傳聞或闕疑以待後人或虛衷以

求公論事期翔實語戒浮誇遂使二百餘載之感恩凡陵谷之變遷戶口之隆替吏治之得失風俗之貞淫以及忠孝節義之行儒林文苑之傳防海之條陳撫黎之政策其有關於懲勸有裨於措施者罔不備載俾後人得以觀鑒爲一邑之光榮亦可謂難能而可貴矣嗟夫一邑之大二百餘年之久豈乏才學識兼長之士德功言并立之人何以邑乘一書不成於清代全盛之時而成於民國肇興之後曰是視乎人士之畏難與否著述不畏難則紀載可成爲信史建設不畏難則陋俗可進于文明履新在即負重堪虞邑中人士倘能本其不畏難之精神相與贊助俾能從事建設有厚望焉是爲序

中華民國三十年七月八日感恩縣長王曉章序於瓊山縣黨部